

ՀՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ԸՆԴՀԱՆՈՒՐ ԺՈՂՈՎ՝
ՆԱԽԴՐԱԾ ԿԱՐԼ ՄԱՐՔՍԻ ԾՆՆԴՅԱՆ 165 ԵՎ ՄԱՀՎԱՆ 100-ԱՄՅԱԿԻՆ

Մարտի 29-ին Հայկական ՍՍՀ գիտությունների ակադեմիայի նիստերի դահլիճում տեղի ունեցավ ակադեմիայի ընդհանուր ժողովը՝ ներկիված Կարլ Մարքսի ծննդյան 165 և մահվան 100-ամյակին:

Նիստը ներածական խոսքով բացեց Հայկական ՍՍՀ գիտությունների ակադեմիայի պրեզիդենտ, ակադեմիկոս Վ. Հ. Համբարձումյանը:

— Ինդիերի ճանաչման պատմության ընթացքում, — ասաց նա, — ուղանալիք համարյա երկու հարյուրամյակ, մինչև մարդուն հաջողվեց հասկանալ մոլորակների շարժման պարզ օրինաչափությունները: Կոպեռնիկոսը, հրաժարվելով երկրակենտրոն համակարգից, ապացուցեց, որ այդ օրինաչափությունները ակներև են դատում, երբ մենք ուսումնասիրում ենք մոլորակների շարժումը Արեգակի նկատմամբ:

Մարդկային հասարակության մեջ շարժման ու զարգացման օրինաչափությունների հայտնաբերումը, սակայն, ավելի բարդ էր ու ավելի դժվարին: Հասարակական երևույթները, այնուհետև ասաց Վ. Հ. Համբարձումյանը, շատ ավելի դժվար էր օրյակտիվորեն ճանաչել, քան մեխանիկական համակարգերում տեղի ունեցող երևույթները: Եվ այդ հաջողվեց միայն Մարքսի հանճարին: Մարքսի կողմից սկսված գիտական հեղափոխությունը շահմանափակվեց հասարակական գիտությունների բնագավառով: Այն տարածվեց բոլոր գիտությունների վրա, քանի որ Մարքսը հանդիսացավ դիալեկտիկական մատերիալիզմի ստեղծողը: Մարքս-լենինյան փիլիսոփայությունն ունի մեծագույն նշանակություն ինչպես հասարակական, այնպես էլ բնական գիտությունների զարգացման համար: Հինց դիալեկտիկական մատերիալիզմի սկզբունքներից ելնելով՝ Մարքսին հաջողվեց նոր տեսանկյունով վերլուծել ու հիմնավորել հասարակական երևույթները:

Մարքսիստական տեսությունը համակողմանիորեն զարգացրեց Վ. Ի. Լենինը, Մարքսիզմը

իր շարունակությունը և հետագա ստեղծագործական զարգացումը գտավ լենինիզմի մեջ: Մարքսի ուսմունքի ազդեցության ներքո աճեց ու զարգացավ Լենինի հանճարը, նրա հեղափոխական միտքը և կորովը, մի հանճար, որ ռեալ ճանապարհ բացեց ղեպի մարդկության լուսավոր ապագան:

Մարդկության կոմունիստական ապագան կերտելու համար, վերջում ասաց Վ. Հ. Համբարձումյանը, մենք սովետական մարդիկ, սոցիալիստական երկրների ժողովուրդները պետք է աշխատենք, աշխատենք ու աշխատենք Ավելի մեծ խնդիրներ են դրվում սովետական գիտության առջև: Եվ այս գործում Մարքսի ու Լենինի ժառանգությունը ծառայում է որպես փարոս, որպես մշտական ուղեցույց:

«Կարլ Մարքսը և սոցիալիզմի քաղաքատնտեսության պրոբլեմները» զեկուցումով հանդես եկավ ՀՍՍՀ ԳԱ ակադեմիկոս Ա. Ա. Առաքելյանը:

— Մարքսի ամբողջ տնտեսագիտական տեսության կարևորագույն բաղկացուցիչ մասը նրա տնտեսագիտական ուսմունքն է, — ասաց զեկուցողը: — Մարքսի տնտեսագիտական աշխատությունների գլխավոր բովանդակությունը կապիտալիստական արտադրական հարաբերությունների բազմակողմանի և խոր վերլուծությունն է: Բայց նրա ծառայությունը ամենևին չի սահմանափակվում կապիտալիզմի հետազոտմամբ: Մարքսի աշխատություններում կան հանճարեղ գիտական հայտնաբերություններ, որոնք վերաբերում են սոցիալիստական էկոնոմիկայի տեսության հիմունքներին և կապետալին դրույթներ են սոցիալիզմի քաղաքատնտեսության մշակման համար:

Նիստին ներկա էին ընկ. ընկ. Ս. Դևյանը, Բ. Ե. Սարկիսովը, Ֆ. Տ. Սարգսյանը, Կ. Լ. Դավթյանը, Լ. Ն. Ներսիսյանը: